



18  
3192

Broj: 06-11-827/24-18  
Ilidža, 14.03.2024. godine

Na osnovu člana 69. stav (3) Zakona o javnim nabavkama („Službeni glasnik BiH“, broj 39/14 i 59/22), općinski načelnik donosi:

### ODLUKU O OTKAZIVANJU postupka javne nabavke JN 08/24

I

Postupak javne nabavke „Izvođenje radova na izgradnji Osnovne škole Stup, općina Ilidža“, putem otvorenog postupka otkazuje se u skladu sa članom 69. stav (3) Zakona o javnim nabavkama („Službeni glasnik BiH“, broj 39/14 i 59/22), zbog razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

II

U skladu sa članom 70. stav (6) Zakona o javnim nabavkama („Službeni glasnik BiH“, broj 39/14 i 59/22), ugovorni organ će ovu odluku objaviti na svojoj internet stranici i istu dostaviti svim potencijalnim ponuđačima koji su preuzeli tendersku dokumentaciju sa Portala javnih nabavki.

#### ***Obrazloženje***

Postupak javne nabavke 08/24 „Izvođenje radova na izgradnji Osnovne škole Stup, općina Ilidža“ pokrenut je odlukom broj: 06-11-827/23-1 od 26.01.2024. godine. Na Portalu javnih nabavki objavljeno je obavještenje o nabavci broj: 888-1-3-15-3-47/24 od 29.01.2024. godine. Predmetna nabavka pokrenuta je putem otvorenog postupka a kriterij za dodjelu ugovora je „najniža cijena“. Procijenjena vrijednost javne nabavke iznosi 17.094.017,00 KM bez PDV-a.

Nakon objavljenog predmetnog postupka i tenderske dokumentacije na Portalu javnih nabavki, veći broj potencijalnih ponuđača je postavio pitanja u vezi predmjera radova iz priloga tenderske dokumentacije. Na osnovu postavljenih pitanja i zahtjeva za pojašnjenjem u vezi predmjera radova iz tenderske dokumentacije, ugovorni organ je izvršio 8 (osam) izmjena tenderske dokumentacije. Određene izmjene imale su za posljedicu brisanje određenog broja stavki iz predmjera radova kao i preformulaciju opisa većeg broja stavki.

Na osnovu jednog od postavljenih pitanja od strane potencijalnog ponuđača u vezi izrade geotehničke izvedbene studije misije G31, utvrđeno je i da je projektant propustio da uradi Elaborat o izvršenim geološkim radovima, Glavni geotehnički projekat, kao i da je uz misiju G21 potrebno je provesti i misiju G23 ili reviziju geotehničkog projekta.

Za izradu navedene dokumentacije potreban je duži vremenski period kako bi se otklonili formalni i tehnički nedostaci.

Ugovorni organ je na osnovu navedenog utvrdio da bi nastavak postupka sa ovoliko učinjenih i objavljenih izmjena tenderske dokumentacije kao i naknadno utvrđenih nedostataka u predmjeru radova zbog propusta projektanta moglo dovesti do otežanog pripremanja ponuda s obzirom na

veliki broj nejasnoća, što bi moglo dovesti do nepravilnosti, odnosno neprihvatljivosti ponuda kao i samog predmetnog postupka te ostvarivanje same svrhe postupka javne nabavke.

Uvažavajući vremenski period potreban za izradu navedene dokumentacije, te činjenicu da ista može dovesti do promjene stavki predmjera radova kao i promjenu same procijenjene vrijednosti javne nabavke, navedeno izaziva sumnju u pozitivan ishod predmetne nabavke za ugovorni organ.

Na osnovu navedenog, ugovorni organ je odlučio otkazati predmetni postupak javne nabavke kako bi predmjer radova bio usaglašen sa postavljenim zahtjevima za pojašnjenje od strane potencijalnih ponuđača, odnosno sačinjena jedna vrsta prečišćenog teksta predmjera radova u koji bi bile ugrađene sve napravljene izmjene tenderske dokumentacije, odnosno predmjera radova, kao i uvršten dio koji nedostaje u istom, a bez kojeg se ne bi mogla realizovati predmetna nabavka.

Ugovorni organ će nakon pravosnažnosti ove odluke i otklanjanja navedenih razloga ponovno pokrenuti postupak za navedenu predmetnu nabavku.

Na osnovu navedenog odlučeno je kao u dispozitivu.

#### POUKA O PRAVNOM LIJEKU:

Protiv ove Odluke može se izjaviti žalba u roku od deset dana od dana prijema odluke. Žalba se ulaže URŽ-u putem ugovornog organa u pisanoj formi direktno ili preporučenom poštanskom pošiljkom. Žalba se podnosi u tri primjeraka.



OPĆINSKI NAČELNIK

Nermin Muzur, magistar uprave

#### DOSTAVITI:

1. Svim potencijalnim ponuđačima koji su preuzeli tendersku dokumentaciju sa Portala javnih nabavki
2. Služba za finansije
3. Služba za komunalne poslove i infrastrukturu
4. Služba za zajedničke poslove (za objavu na web stranicu)
5. a/a